


銀海精微
卷二



銀海精微卷之三

突 起 睛 高



突起睛高險峻利害之症也同前旋螺尖大不祥矣皆因五臟
毒風所蘊熱極充眼者內屬五臟外屬五輪五臟之氣毒攻五
輪之瞳初起麻木疼痛汪汪淚出病勢洶湧卒暴之變莫測非
精於龍木之奧旨不能措手全諺云眼不翳不瞎正此也苟非
其人殆有甚焉非徒無益而反害也治法揚湯止沸莫若去薪

突起消除疼痛洗以白芷細辛當歸蒼朮麻黃防風羌活未可
與點藥宜忌口葷腥將息避風治若稍遲或控膿或突出一寸
高者至此之際須鋒針針出惡水疼痛方止睛高取平耳無尤
之效也

當歸

甘草

赤芍藥

菊花

羌活

桑螵蛸

羌蔚子


防風

荆芥

木賊

右各等分水煎食後加酒三盞溫服

硬臉硬睛



硬臉硬睛者胞臉睛珠俱木痛濕難運隔閒積熱肝風上壅氣
血凝滯睛臉堅硬血旺氣虛膩之人或飲酒大腸堅結多受是
症先患一眼後乃相牽俱損漸生翳膜治法初發時宜摩風膏
摩去風邪散運血氣或煎生地黃當歸川芎赤芍白芷羌活薰
洗日三度宜瀉肝膈之熱點以時藥若積年久臉有瘀血宜刺
洗黑睛有翳有膜可吹可點

閉不行故也治法宜剗洗服用當歸活血煎助陽和血湯點用
重藥加辛熱姜粉之類


當歸活血湯

方在前兩臉粘睛症內

助陽和血湯

方在前傷寒熱病症內

白陷魚鱗



白陷魚鱗者肝肺二經積熱充壅攻上致黑睛遂生白翳如魚

鱗鋪砌之狀或入棗花中有白陷發歇不時或發或聚疼痛淚
出然婦人多生此病何也苦樂不由已出七情鬱結不舒毒蘊
於肝腑者血之室也婦人以血爲主血傷則肝風黑仁風輪多
生是翳甚至白陷釘入黃仁引血相授漸成大患額頭兼痛用
摩頂膏摩擦封貼於額頭處用陰二陽四丹吹點或用青鹽黃
泥固濟包煨熟研末以鴨毛蘸點於魚鱗中日一次又能除此
翳耳

問曰黑睛生白翳凹入不平成陷者何也答曰肝虛血衰也故肝
虛則受風風甚則作痛血衰則成陷治法點用珍珠二八丹之類
痛甚宜服

羞明而不痛者宜服

蟬花散


蜜蒙花散

二方在兩臉枯睛症內

桑螵蛸酒調散

方在暴風客熱症內

花翳白陷



人之患眼生翳如蘿蔔花或魚鱗子入陷如碎米者此肝經熱毒入腦致眼中忽然腫痛赤澁淚出不明頭痛鼻塞乃是肝風熱極腦中風熱極致使然也宜服瀉肝散如珠脩肝散主之

瀉肝散

黑參

大黃

黃芩

知母

桔梗

車前子

各一兩

羌活

龍膽草

當歸

芒硝

右爲末等分水煎服

加味脩肝散

羌活

防風

桑螵蛸

梔子

薄荷

當歸

赤芍藥

甘草

麻黃

加連翹

菊花

木賊

川芎

白茯苓

大黃

黃芩

荊芥

各一兩

右爲末各等水煎入酒溫服

蟬花散

蟬蛻

菊花

蒺藜

蔓荊子

草決明

車前子

防風

黃芩

甘草

右等煨水煎服

補腎明目丸

方在前蠅翅黑花症內

密蒙花散

方在前兩臉粘睛症內

水 蝦 翳 深



水蝦翳深者黑睛上生翳如水蝦形狀因而名曰水蝦也大抵與魚鱗白陷同也亦因肝經有熱微微小小占在眼之風輪黑睛含糊清眵填粘於翳之低處乍時赤澁淚出眵滿朦蔽瞳人一重如鼻涕或黃或白看則如膜遮障一般離却又生日久能損眼發歇來往治法宜陰二陽四二夜吹一次稍退宜點侵晨用菊花側柏葉黃連歸鬚桑白皮之類煎湯日洗二三次服撥雲退翳散

撥雲退翳散

楮實子

薄荷

各五錢

川芎

一兩

黃連

菊花

蟬蛻

各五錢

瓜蒌根

生用三錢

蔓荊子

密蒙花

蛇退

各五錢

荊芥穗

香白芷

木賊

防風

甘草

各五錢

右爲末煉蜜爲丸如櫻桃大每二兩作十九丸每服五二日二服
治眼引子於後

氣障木查煎湯下


眼當昏暗菊花好茶下

眼睛無端懶視當歸下

婦人血葷當歸湯下

虛弱之人十全大補湯下

玉翳浮瞽



玉翳者風充入腦積熱肝腸發歇疼痛失於調治日久積累血凝不散結成白翳遮瞽瞳人如玉色相似立名玉翳遮瞽如此之狀有進有退有紅有淚發歇未定治法用陰三陽二藥次點一次眼淚帶藥汪汪流出如此之狀甚翳膜必能漸漸收捲渾如磨鏡塵埃去淨明必復矣若發年久無進無退不紅不痛縱有丹藥之驗刀針之利終無措手之處撥雲墜翳聖藥之聖功

效不能施爲縱然公侯王孫若受此疾爲廢人矣雖有千金之貴天下之醫孰近莫能其出手也

問曰人之患眼翳如玉色遮瞞烏睛者何也答曰此同肝風充入腦積熱在於肝膈之間久乃腎虛致眼中常發熱或赤痛則紅腫赤脉穿睛漸漸生白翳膜初起如碎米久則成片遮瞞烏睛凝結如玉色名曰玉翳遮瞞治之宜服瀉肝散明目菊花散通明補腎丸

瀉肝散 治胃中熱

歸尾 大黃 黃芩 桔梗 知母 羌蔚子 芒硝

車前子 防風 赤芍藥 梔子 連翹 薄荷

右各等分每服大錢水煎服

明目菊花散

菊花 車前子 熟地黃 木賊 蒙花 薄荷

連翹 白蒺藜 防風 川芎 荊芥穗 甘草

右各等分水煎服


通明補腎丸

楮實子 五味子 枸杞子 略一 人參 兔絲子 肉蓯蓉

菊花 熟地黃 當歸 牛膝 知母 黃柏 青鹽各二兩

右煉蜜爲丸每服五十九空心鹽湯下

月入水輪



膜入水輪者肝腦積熱邪在肺經此金尅木之候也故黃仁在
時生瘡白色可後又發日往日來致膜漸入水輪此翳之根也
如水之得土變化異常遂生瘡不退日積月累久成大患謂之
膜入水輪流汁流膿痛澁難開右患傳左左患傳右治法宜明
藥之類加以葱艾吹以丹藥服以湯散無有不效若傷日久不
痛不疼不淚不紅如釘入木如玉之有瑕玷如玳瑁之有黑點

此黃仁與水輪變白定矣雖使岐黃龍水再世亦不能爲也
問曰風輪生瘡或突起愈後變成白翳久不散者何也答曰肝
木衰金氣甚也此病初患時有痰有淚治宜退血瀉肺金脩肝
活血無痰無淚淡白色者宜服補煖活血之劑治之
瀉肺散

當歸

黃芩

各一兩

桔梗

麻黃

枳殼

各半兩

秦皮

葶藶

菊花

旋覆花

生地黄

防風

白芷

甘草

玄參

梔子

各一兩

地骨皮

八錢

右爲末每服三錢桑白皮煎湯下

脩肝活血湯

皇肩

力大五錢

川芎

羌活錢

青皮

防風

黃連

大黃各三錢

薄荷


連翹

白蒺藜

菊花各兩

右每服四錢水煎服

風輪釘翳



釘翳根深者與膜入水輪同也此乃勞傷肝經或性燥急促之人啼哭含情之婦欲強制鬱傷於肝赤澁難開痛牽頭腦淚出羞明怕日釘翳日深接引黃仁根深血援終不移治法宜用退